

新修泰安州志序

昔周官大司徒掌天下土地之圖其要主於知九州地域廣輪之數與辨五地之物然不始於周官也神禹之於山於海率有經焉自漢而下則有風土人物之志先賢耆舊之傳撫拾一方蓋以範風俗存典型不止於侈山川之勝土物之饒已也世既欽其典則而復便其簡要於是乎郡縣之志日盛月新幾充棟矣若吾魯之泰岱其神則七十二君之所有事其形勝則參雲造天南觀越西望秦不假目謀其遺跡則秦松漢栢金床玉几薄海內外所外注以故子墨客卿之徒標奇采異有泰山志有岱史而復有菟玉之集乃州志顧獨闕焉如是者於覽盛紀游得矣非所以載政跡備故實彰往訓來納民於軌物者也余每欲稽之載籍詢之老成以竟斯志束於職事未遑綜輯迺者州守任侯辱蒞茲土政成民和鳴琴多暇慨然嘆曰夫是蕞爾一隅奠於嶽麓古所稱時邁肆觀之地且一方文獻是信是徵闕而不書誰執其咎爰始考述勒爲一志事竣謀叙於余余惟志成而有感於創始之難也是非紕繆則起而議其偏人品混淆則起而非其識記載乖訛則

起而病其陋夫非人心之刻於創也始於一人而欲以厭衆心成於一時而令千百世之下考其世傳而衷其義例其事豈易哉矧吾州以岱嶽故奔走四方冠蓋車書輻輳靡間志一出而域內人士爭願得寓目焉其雌黃月旦寧可勝道非與夫遐陬僻邑之書不盡傳於世者等也且又有進於是者今之時事浸非昔矣藉令長民者而無李固之恩信韓韶之賑恤何以稱循良爲茲志重生茲土者而清操不如羊續勵志不如胡毋輔之亦何以繼先達昭後嗣爲州乘光乎然則侯之創爲斯志也甯詎修故事資覽觀而已夫亦以示勸懲之義興紹述之思範俗維風將於是

在侯其大有造於此邦者哉抑漢人稱天下之安若泰山而四維之我

國家以泰安名州不爲無意維是赫赫巨靈實長羣嶽泰安則四嶽之神舉安五嶽奠安斯海內無弗安者顧名思義所爲協和神人以綏四國者且當自吾州始而斯志之作又豈區區一方文獻所繫爾也余故爲論次如此若夫雄奇峻絕之觀瓌璋鉅靈之彩海內業侈言之要足使山靈生色而未足爲民社增重魯邦所瞻或者更有在焉後之君子尙考鏡於是編可也

賜進士第光祿大夫柱國少保兼太子太保刑部尚書前總督宣大山西軍務兼理糧餉太子太保
兵部尚書兼都察院左副都御史肅大亨謹識

刻秦安州志叙

志者古史之遺也周禮小史外史掌邦國四方之志至於列國亦各有史蕞爾彈丸不乏圖籍秦
罷侯置守史無專職秉筆紀載實在掌故亦惟守土者加意攬撫尊信而有徵故足術耳我郡名
山形勝甲於天下畫地置郡延袤數百里豈不當古之侯國而文獻無徵方冊不傳良足惜已往
郡侯蒞事茲土者不知閱幾何人其明知而無暇者什九明知而故諉者什一蓋簿書鞅掌手不
停披目不及瞬冠蓋輪蹄之塵望之如織倚俟爲東道主其民喜私耗而憚公賦歲常不及額什
之二三往往殫竭伎倆不足辦此曷暇分其神於採蒐也而自諉者輒曰岱有史業爲成書無庸
更置喙我且遷延宦成計時待擢視郡如還廬耳奚暇精編纂之爲以故自古及今作者寥寥
昔跼伏衡茅登高懷古攷汝陽之墟覽明堂之址弔孫石之蹤訪六逸之蹟緬惟千古感慨係之

竊欲考核故實勒成一家獨恨千秋不朽同志者稀且以掣肘公車之業此亦無暇爾居無何今
賢侯上黨任公褰帷入郡百廢俱興輕徭賦清隄隸以培元氣也食不再簋衣必三澣循行不盛
駟從以風樸也義倉設而儲於不涸塾師置而戶成可封以富而教之也三年有成化行俗美廼
於公務之暇博訪古蹟旁訊宿儒彊域山川風土名物搜羅數百載之前而類析條分成若干卷
千秋事蹟蔚乎在目居然古史之遺矣今而後憑軾結駟而遊者入其境披圖籍鏡千古曰美哉
郁郁乎文獻之區也剖符結綬而至者入其境按故實徵典章曰猗歟著作之林前事不忘後事
之師也嗟夫時有古今名無磨滅百世而上百世而下升沉宦海不知幾更乃景燦不泯惟我侯
與此書俱永矣不佞分屬受廬忻際盛舉因載筆紀其事且以詔來禎云

皆

萬曆癸卯菊月翰林院庶吉士治生宋燾頓首拜書

增補泰安州志序

今天下永清大定化行俗美史不勝書

聖天子行將簡班馬直東觀作大一統志以詔萬世何區區郡邑爲也雖然天下者郡邑之積也郡邑之風化無聞則朝廷之盛美不彰粵稽成周列國各有紀載秦罷侯置守今之郡邑志卽古之列國史也尼父刪詩而十五國風載雅頌之先魯之春秋亦因事屬詞厥后代有稗官皆以徵實傳信免棄世文獻不足之嘆是以自有泰安以來若岱史若輯瑞集若菟玉集暨泰山紀事諸書層見疊出而州志尤爲史氏之要典按是刻成於故明萬歷三十年郡守任弘烈歷天啟崇禎及大清受命

世祖嚳造

皇上龍飛屈指七十餘歲嗚呼連會日新事物盡然矧茲岳方萬物資生物理之盛衰人文之興替寧無月異歲不同者故夫治方冊勒政績範習俗示典刑酌義例寓褒貶洵孔亟焉會逢刺吏鄒公慈和德化簡練才猷其功名在竹帛不具道於委蛇退食之際殫心探討作此志垂爲名山大

業按原本六門爲綱綱各有目取七十年來之逸事旁搜遐采參互考訂凡有可據者條分類析各附其綱目之后隨篇增輯卽舊而爲新開來以嗣往要在據事直書以紀述爲勸戒有庠生朱衣點者故清真教也獨能振拔流俗悅周孔之道沉酣經史亦樂從而參訂之從來全史以列史爲據逸史爲正史先資茲焉告成蓋欲藉省方觀風之

廷獻廣


口朝著作不至掛漏而億萬世仰全史之盛則公之立言直與德功並不朽云

峕

康熙庚戌黃鍾月望

賜進士第通奉大夫

欽命總督倉場戶部右侍郎加一級郡人王度識



泰安州志目錄

卷之一 輿地志

星野

沿革 附里社

山川 附泉源

疆域

城池

風俗

遺蹟

物產

災祥

卷之二 建置志

田賦志

秩官志

公署

壇壝

廟學

祠宇

舖舍

鋪店

戶口

田畝 附學田

賦役 附馬政

香稅

官僚

宦績

卷之三 人物志

鄉賢

科第

歲貢

恩貢

官監

例監

廕封

任廕

孝義

節烈

卷之四

藝文志

附州志後序

唐玄宗序銘

宋眞宗答謝天書述二聖功德序銘

李斯篆刻始皇二世頌德文

尙書薛瑄重修東嶽廟記略

昭磨李欽修東嶽廟記略

運同查志隆表章韓范歐陽諸名賢遺蹟議

提學鄒善撰儒學闢路建坊記

金學士黨懷英魯兩先生祠記

李汝桂重修城隍廟記

知州任弘烈撰泰安州儒學尊經閣記

知州任弘烈撰泰安州勸建義倉記

初建社學記

侍郎鄧庠記泰安守高公去思碑

教諭李汝桂記泰安守袁公去思碑

考史趙弘文撰侯公崇祀名宦序

少司農王度撰侯公從祀名宦錄序

少司農郡人王度撰僞官據城記

少司農郡人王度撰歷年守城記

知州戴經岱郡八景詩

知州林杭學岱郡八景詩次戴刺史原韻

署州事同知張肇昌步戴刺史八景韻

知州石鍵撰岱頂重修孔廟碑記

日講官林之濬題捨身崖牆記

署州事同知張奇達築牆禁止捨身記

泰安州志目錄終

泰安州志卷之一

明知泰安州事上黨任弘烈編輯

一州志謹依

大清一統志式遵 制也餘并參考羣書或泰山志岱史略加損益

一州治沿革不常諸秩官人物止據足徵者錄之

一公署舊跡雖廢必書

一祠宇凡 勅創及在州志者錄之餘皆略泰山香火繁盛已見山志岱史者不錄

一戶口止就近年冊籍錄之 國初及歷年無考姑闕以俟再叙

一物產止載有益民用者纖細之物不敢濫書

一秩官有功德表著者簡人名宦見任者未載

一人物卓異者載之鄉賢不論顯晦必行重鄉評者書之其節孝未及

旌表與詳允者亦然

一詩文載在岱史頗詳茲不備錄姑探其有關州志者略載一二

一釐爲六門爲綱每綱首有小叙以表作志之由綱內有目各條下間附臆說凡以資政理垂觀省而已

同知維楊崔瑞川

州判官橋李許茂祺校閱

吏自密雲胡允孝

訓導朝城段廷選

單邑孫于藩

蓬萊徐湖編次

嶧博郡人張經濟

恩貢生呂應用

庠生陳大有

李偉

張毓秀

安烜同編

緒編執事署學正姜玉英參閱

同知張肇昌彙輯

吏目陳五典校梓

庠生朱衣點同校



泰安州志卷之一

明知泰安州事上黨任弘烈編輯

輿地志

叙曰先王體國經野莫大乎輿地周禮職方氏掌之泰安在岱下蓋以嶽重云帝王狩禪聖賢過化古稱望地中雖沿革靡常而民風物產班班足考是可無紀乎先星野謂其上應天象也天之降災祥也必見於地故併繫焉作輿地志

星野

魏太史令陳卓曰泰山入角六度晉天文志曰泰山入十二度唐天文志曰降婁玄枵其神主於岱宗歲星位焉宋天文志曰泰山入角十二度馬端臨象緯考州郡綱次并同

按自保章氏失職久遠郡國廢置代遷譚星野者或以泰山主心房氏或主婁胃或主虛危然考信於往古古天文角亢之分野主兗泰山固隸兗也主角何疑